



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. III. Solvuntur objectiones

---

[urn:nbn:de:hbz:466:1-77355](#)

## DISPV TATIO QVINTA

338

moderatio enim passionum & delectationum A  
gustus & tactus, quæ est medium hujus virtutis,  
vel potest elici ut expedit ad rectum usum  
rationis naturalis, & vitam corporalem, se-  
cundum regulam naturalis rationis, & sic est  
objectum naturale; vel prout expedit ad super-  
naturalem vitam gratiae, secundum regulas fia-  
dei & prudentiae infusa, quæ multoties petunt  
majorem parcitatem, aut etiam omnimodam  
abstinentiam, adversam sanitati corporali, sive  
ad liberius Deo vacandum, sive ad satisfa-  
ciendum pro peccatis, sive ad corporis casti-  
gationem, & subjectionem carnis ad spiritum;  
& sub hac ratione est objectum supernaturale.  
Similiter æqualitas in operationibus ad alterum,  
que est medium virtutis justitiae, vel potest B  
fieri inter homines, ut sunt cives humanae ci-  
vatis, hujus universi, vita & ratione naturali  
prædicti, inter quos debet servari humanae socie-  
tas & pax; & hoc modo est medium naturale  
specificans justitiam acquisitam: vel potest fieri C  
inter homines, quatenus sunt cives Sanctorum,  
& domestici Dei, prædicti supernatura-  
li lumine, & capaces beatitudinis æternae,  
inter quos debet altiori ratione pax & societas  
confervari, & hoc pacto est medium supernatu-  
rale, & objectum justitiae infusa. Idem pro-  
portionatiter de fortitudine dicendum est: nam  
si habeat firmata appetitus contra mortis pericula  
in bono naturali, & in ea mensura, quam  
ratio naturalis servandam esse dictat, configuratur D  
objectum fortitudinis acquisita; ut si quis  
pro defensione patriæ firmus maneat contra pericula mortis: si vero firmet in bono supernatu-  
rali, ut contingit in martyrio, in quo pro de-  
fensione fidei Christianæ Martyres sustinuerint  
mortem, erit objectum fortitudinis infusa.

**II.** Quarta ratio: Usi est diversum esse, & diver-  
sa vita, ibi sunt diversæ operations, & diversæ  
virtutes: Sed homo per gratiam habet diversum  
esse, scilicet divinum, & diversam vitam  
etiam moralem, nempe divinam & supernatu-  
ralem: Ergo in ordine gratiae dantur diversæ  
operations, & diversæ virtutes, non solum  
Theologica, sed etiam morales.

**III.** Ultima ratio: Datur prudentia infusa: Ergo  
dantur etiam alia virtutes morales per se infusa.  
Consequentia patet: requiritur enim ne-  
cessariò virtus in appetitu, proportionata ad illud  
eligendum & exequendum quod prudentia  
dictat. Antecedens vero probatur: Licet enim  
per fidem & Theologiam cognoscatur in uni-  
versali, & speculative, medium in passionibus  
& actionibus humanis servandum, in ordine  
ad finem & beatitudinem supernaturalem; illæ  
tamen non sufficiunt ad dictandum tale me-  
dium in particulari hic & nunc esse eligendum,  
ut operatio sit recta, & fini supernaturali ac-  
commodata; & multò minus ad judicandum  
practicè per modum imperij, tale medium esse  
executioni mandandum: Ergo ad hæc munera  
obeunda, prudentia infusa & supernaturalis ne-  
cessariò admittenda est.

### S. II.

#### Solvuntur objectiones.

**IV.** **O**BJICES primò: Habitus virtutis ponit  
tur ad tribuendim potentia facilitatem  
respectu actus: Sed homo per infusionem gra-

tia non recipit hanc facilitatem, cum non mi-  
nus difficilè operetur bonum, quā si gratiam  
non receperet, ut experientia patet, peccatores  
enim operibus vitiosis aliœ facti, quando con-  
vertuntur, & gratiam consequuntur, operantur  
cum magna difficultate, & renī appetitus  
sensiū, opera vitiosa, donec per illorum exer-  
citium virtutes acquirant: Ergo in justificatione  
non infunduntur illis habitus virtutum mora-  
lium, unā cum gratia sanctificante.

Confirmatur: Signum virtutis est operari  
cum delectatione: Sed peccator qui in justifi-  
catione recipit gratiam, non statim cum dele-  
ctione elicit actus virtutum moralium: Ergo  
non recipit cum ea virtutes morales.

Ad objectionem respondeo, distinguendo Ma-  
jorem: Habitus virtutis ponitur ad tribuendam  
potentia facilitatem, intrinsecam consi-  
stentem in complemento & ultima perfectione  
potentia operativa, concedo Majorem: facil-  
itatem extrinsecam, quæ provenit ex remotione  
impedimentorum, nego Majorem. Similiter  
distinguo Minorem: Homo per infusionem gra-  
tiae non recipit facilitatem ad operandum, ex-  
trinsecam, concedo Minorem: intrinsecam,  
nego Minorem, & Consequentiam.

Explicitur solutio: Duplex dari potest faci-  
litatis respectu alicuius actus; alia per se & in-  
trinsicę, quæ consistit in eo quod principium  
elicitivum talis actus sit sufficienter proporcio-  
natum & complectum respectu illius: alia ex-  
trinsicę, quæ provenit ex remotione impe-  
dimentorum, aut indispositionum, quæ etiam  
existente perfecto & completo prædicto prin-  
cipio, impediunt vel reddit difficile exerciti-  
um operationis. Virtus ergo sive acquisita,  
sive infusa, tribuit primam facilitatem, quia  
essentialiter habet completere potentiam eliciti-  
vam actus: secundam vero tribuit virtus ac-  
quisita, non formaliter, quasi ipsa sit ablacio-  
natum impedimentorum, sed concordanter,  
quia requirit ad sui generationem exerci-  
tium multorum actuum, per quos illa impedi-  
menta tolluntur. Ex quo pater cur in peccato-  
ribus de novo convergit & justificari exercitium  
bonorum operum sit laboriosum, illique  
cum magna difficultate, & renī appetitus  
sensiū operentur; quia nempe per virtutes  
infusas, unā cum gratia sanctificante in justifi-  
catione receptas, non fuerunt sublata impe-  
dimenta extrinsecam, quæ bonorum operum  
exercitium laboriosum & difficile reddit; hæc  
enim non tolluntur, nisi per actus virtutum sa-  
pius repetitos.

Ad confirmationem respondeat D. Thomas  
qu. de virtutibus art. 10. ad 15. quod quia à prin-  
cipio virtus infusa non semper ita tollit sensum  
passionum, sicut virtus acquisita, propter hoc à  
principio non ita delatibiliter operatur. Non tam-  
en hoc est contra rationem viri: quia quandoque  
ad virtutem sufficit sine tristitia operari:  
nec requiritur quod delatibiliter operetur propter  
molestias quas sentit, sicut Philosopher dicit  
3. Ethic. quod foris sufficit sine tristitia operari.  
Neque qualibet tristitia contrariatur viri infusa, sed ea tantum quæ graviter adversatur ra-  
tioni & legi Dei.

Objices secundò: Virtus per se infusa debet  
habere objectum & motivum intrinsecum su-  
pernaturalē: Sed motivum intrinsecum tempe-  
stantia v. g. non potest esse supernaturale: Ergo

- neque ipsa virtus. Major patet: virtus enim per se infusa, est quoad substantiam supernaturalem; virtus autem supernaturalis quoad substantiam, debet habere objectum & motivum intrinsecum supernaturale. Minor etiam manifesta videtur: Nam motivum intrinsecum temperantiae est mediocritas in cibo & potu: Sed haec non excedit ordinem naturae, sicut nec materia in qua reperitur: Ergo &c.
19. Respondeo concessa Majori, negando Minorem. Ad cuius probationem distinguo Minorrem: Mediocritas ut constituta per prudentiam naturalem, & in ordine ad finem naturalem, non excedit ordinem naturae, concedo. Minorrem: ut constituta per prudentiam infusam, & in ordine ad finem supernaturalem, nego Minorem, & Consequentiam.

Objicies tertio: Si virtutes cum gratia infunderentur, expellerent à justificato virtua p̄ræexistens; contraria enim non possunt esse simul, sed mutuò se expellunt: At hoc est contra manifestam experientiam; videmus enim recenter justificatos manere per aliquod tempus ita virtutis affectos, proclivesque ad peccandum, sicut antea: Ergo &c.

20. Respondeo negando sequelam Majoris. Ad cuius probationem dicendum cum S. Thoma in 4. dist. 14. qu. 2. art. 2. ad 4. virtutia non habere formalē oppositionem cum virtutibus infusis: Tum quia opponuntur formaliter virtutibus acquisitis; uni verò unum tantum est contrarium, ut ait Aristoteles 1. de cœlo cap. 2. Tum etiam quia oppositio formalis non repertitur nisi inter ea quae sunt ejusdem generis: virtus autem non sunt ejusdem generis curi virtutibus infusis, cum virtutia sint ordinis naturalis; virtutes verò infusa supernaturalis; & naturalia ac supernaturalia non solum differant genere proximo, sed etiam remoto, ut plures gravissimi Theologi docent. Unde nihil mirum si virtus adhuc remaneant, introductis virtutibus infusis.

Addit idem S. Doctor quæst. 1. de virtutibus art. 10. ad 16. In eo qui habet habitum intemperantia, cum conteritur, non remanet cum virtute temperantie infusa habitus intemperantia, in ratione habitus, sed in via corruptionis, quasi dispositio quedam: dispositio autem non contrariatur habitui perfectio. De quo fusis in tractatus de virtutis & peccatis.

### s. III.

#### Corollaria precedentis doctrine.

21. Ex dictis inferes primò, virtutes morales per se infusas distingui specie ab acquisitis: recipiunt enim objecta formaliter diversa, ut in secunda ratione ostendimus, & declarat D. Thomas qu. 1. de virtut. art. 10. ad 8. his verbis: Temperantia infusa & acquisita convenienter in materia, utraque enim est circa delectabilia talium, sed non convenienter in forma effectus, vel alius: licet enim utraque querat medium, tamen alia ratione querat medium temperantia infusa, quam temperantia acquisita: nam temperantia infusa exquirit medium, secundum rationes legis divine, qua accipiuntur ex ordine ad ultimum finem: temperantia autem acquisita accipit medium secundum inferiores rationes in ordine ad bonum presentis vite.

22. Inferes secundò, virtutes morales infusas insidi simul cum gratia sanctificante in instanti justificationis: tum quia sunt proprietates gra-

tis: tum etiam quia cum homo in eo instanti constituantur in esse & vita supernaturali, debent ei ex tunc conferri principia ad omnes operationes hujus ordinis, subindeque non solum virtutes Theologicae, sed etiam morales infusa. Addo quod in instanti justificationis totus homo interior sanctificari & renovari debet, tam secundum animam, quam secundum potentias, omnique gratia suppellectili exornari: sicut autem anima ornatur per gratiam sanctificantem, sic potentiae per omnes virtutes, atque adeò debent haec simul cum illa infundi. Unde D. Thomas infra questione 65. articulo 3. in corp. Oportet quod cum charitate simul infundantur omnes virtutes morales, quibus homo perficit singula genera bonorum operum.

Inferes tertio, in quolibet justo tot ad minus dari virtutes morales infusas, quot acquisitas: eadem enim materiae, quæ ut regulæ per rationem, & prudentiam naturalem, sunt objecta virtutum moralium acquisitarum, ut regulæ per rationem supernaturalem, & prudentiam infusam, sunt objecta formalia virtutum moralium infusarum.

Quæres, utrum per actus virtutum infusarum frequentatos generetur aliquis habitus? Respondeo negative. Etenim vel talis habitus esset ejusdem speciei cum infuso? & hoc non, quia duo accidentia solo numero distincta nequeunt esse in eodem subiecto, saltem naturaliter: vel esset diversa speciei? & hoc etiam dici non potest, quia actus generant habitus sibi similes; adeòque cum actus virtutum infusarum sint intrinsecè & essentialiter supernaturales, non poterunt generate habitum naturalem, & diversæ speciei. Fatorum tamen, hoc ipso quod aliquis frequentat actus virtutum infusarum, ipsum disponi & facilitari, ut circa eandem materiam possit ex motivo naturali operari per virtutem acquisitam; ideoque ex uno motivo facilè transire ad aliud, & virtutem acquisitam circa eandem materiam generare. Ex

D. quo facile intelliges id quod habet S. Thom. qu. 17. de verit. art. 1. ad 4. secundo loco positum, nimurum per actus charitatis, & aliarum virtutum infusarum, digni habitum: non enim vult quid formaliter per illos actus generetur, sed dispositivè solum, quatenus per frequentationem actuorum ex motivo supernaturali, facilitari quis potest circa eam materiam, ut sub motivo naturali in illam feratur: sic enim credens per fidem infusam, & ex motivo supernaturali, res ab Ecclesia propositas, facilitatur ad eas credendas ex motivo fidei humanae, putus quia sic à parentibus accepit.

### ARTICVLVS II.

An virtutes morales infusa, que sunt circa passiones, in appetitu sensitivo subiectentur?

CERTVM est virtutes morales infusas, 26. qua versantur circa actiones quæ sunt ad alterum, ut justitiam, & partes ejus, in sola voluntate recipi; appetitus enim sensitivus, ob suam materialitatem, potest tantum attingere bonum proprium, non autem bonum alienum, maximè si sit supernaturale. Unde praesens diffi-